

Visoki predstavnik čestita Upravi za indirektno oporezivanje BiH

Povodom desetogodišnjice usvajanja Zakona o sistemu indirektnog oporezivanja u Bosni i Hercegovini, visoki predstavnik Valentin Inzko danas je pohvalio rad Uprave za indirektno oporezivanje i čestitao svima koji su, u posljednjih deset godina, doprinjeli stvaranju i razvoju efikasnog sistema prikupljanja prihoda od poreza za cijelu zemlju.

„Pohvalio bih rad Uprave za indirektno oporezivanje i njenog Upravnog odbora u podržavanju sveukupne makroekonomske stabilnosti i fiskalne održivosti u BiH, te njenog jedinstvenog ekonomskog prostora“, rekao je visoki predstavnik.

Usvajanje Zakona o sistemu indirektnog oporezivanja u Parlamentarnoj skupštini BiH 29. decembra 2003. godine uspostavilo je institucionalnu i organizacionu osnovu za jedinstven sistem indirektnog oporezivanja u BiH. To je zacrtalo put za pravičan i transparentan sistem prikupljanja prihoda koji je kreiran tako da eliminira korupciju i nelojalnu konkurenciju u oblasti ekonomije i fiskalne stabilnosti.